

Vladimir Putin Islom Karimov xotirasiga hurmat bajo keltirdi



O'zbekiston Respublikasining Birinchi Prezidenti Islom Karimovning porloq xotirasini yod etish marosimlari davom etmoqda.

Rossiya Federatsiyasi Prezidenti Vladimir Putin 6 sentyabr kuni Samarqand shahriga tashrif buyurdi. Samarqand xalqaro aeroportida oliy martabali mehmonni O'zbekiston Respublikasi Bosh vaziri Shavkat Mirziyoev kutib oldi.

Rossiya Federatsiyasi Prezidenti Vladimir Putin O'zbekiston Respublikasi Bosh vaziri Shavkat Mirziyoev hamrohligida Islom Karimov qabrinizi ziyorat qildi.

Vladimir Putin va Shavkat Mirziyoev O'zbekiston Respublikasining Birinchi Prezidenti Islom Karimov qabriga gul qo'ydilar va uning xotirasiga hurmat bajo keltirdilar.

Rossiya Federatsiyasi rahbari Samarqand shahridagi Forumlar majmuasiga tashrif buyurib, Islom Karimovning rafiqasi Tatyana Karimova va qizi Lola Karimova-Tillaevaga chuqr hamdardlik izhor etdi.



Forumlar majmuasida O'zbekiston Respublikasi Bosh vaziri Shavkat Mirziyoev va Rossiya Federatsiyasi Prezidenti Vladimir Putinning uchrashuvi bo'lib o'tdi.

O'zbekiston bilan Rossiya o'rtaсидаги hamkorlik 2004 yil 16 iyunda imzolangan Strategik sheriklik to'g'risidagi shartnoma, 2005 yil 14 noyabrda imzolangan Ittifoqchilik munosabatlari to'g'risidagi shartnoma asosida izchil rivojlanib bormoqda.

O'zaro hamkorlik keng ko'lamli va samarali bo'lib, hukumatlararo va idoralalararo aloqalar oliy darajadagi uchrashuvlarda erishilgan kelishuvlarni amalga oshirishda muhim omil bo'lmoqda. Mamlakatlarimiz BMT, ShHT, MDH kabi xalqaro tuzilmalar doirasida ham samarali hamkorlik qilib kelmoqda.

O'zbekiston Respublikasi Bosh vaziri Shavkat Mirziyoev Rossiya Federatsiyasi Prezidenti Vladimir Putinga xalqimizning ardoqli farzandi, O'zbekiston Respublikasining Birinchi Prezidenti Islom Karimov xotirasini yod etish maqsadida mamlakatimizga tashrif buyurgani uchun minnatdorlik bildirdi. Ushbu tashrif Vladimir Putinning Islom Karimovga, O'zbekiston xalqiga yuksak hurmatidan dalolat berishini qayd etdi. O'zbekiston Islom Karimov va Vladimir Putin asos solgan mamlakatlarimiz o'rtaсидаги strategik sheriklik munosabatlarini davom ettirishi va yanada mustahkamlashini alohida ta'kidladi.

Rossiya Federatsiyasi Prezidenti Vladimir Putin O'zbekiston Respublikasining Birinchi

Prezidenti Islom Karimov O'zbekiston uchun, o'z xalqining farovonligi uchun ulkan ishlar qilgani, eng murakkab paytlarda ham tinchlik va barqarorlikni ta'minlagani, bu mamlakat taraqqiyotiga xizmat qilganini alohida ta'kidladi. Rossiya davlatlarimizning o'zaro hamkorligini davom ettirish va rivojlantirish tarafdiri ekanini qayd etdi.

Uchrashuvda O'zbekiston Respublikasi va Rossiya Federatsiyasi o'rtaida turli sohalardagi hamkorlikni yanada mustahkamlashga oid masalalar yuzasidan fikr almashildi.

Shu bilan Rossiya Federatsiyasi Prezidenti Vladimir Putinning O'zbekistonga tashrifi nihoyasiga yetdi.

O'zA